



# NEWSLETTER BR. 15

JANUAR 2016

## SADRŽAJ

### FIPA AKTIVNOSTI ≡

- » Direktor Agencije FIPA razgovarao sa savjetnikom Ambasade Turske u BiH
- » Sastanak predstavnika Ureda FIPA-e u Mostaru sa suvlasnikom kompanije ž'FEMIS"- Posušje
- » Ambasador Kraljevine Saudijske Arabije posjetio Agenciju FIPA
- » Japanci zainteresirani za energetske sektor BiH
- » Brazilske investitori zainteresirani za poljoprivredni sektor BiH

### POSLOVNE VIJESTI ≡

- » Kineske firme investiraju u izgradnju vjetroelektrane u Tomislavgradu
- » Novi luksuzni hotel bit će izgrađen u srcu Sarajeva

# FIPA AKTIVNOSTI ≡



DIREKTOR AGENCIJE FIPA RAZGOVARAO SA SAVJETNIKOM  
TAMBASADE TURSKE U BIH



AMBASADOR KRALJEVINE SAUDIJSKE ARABIJE  
POSJETIO AGENCIJU FIPA ≡



...I JOŠ FIPA AKTIVNOSTI...



## DIREKTOR AGENCIJE FIPA RAZGOVARAO SA SAVJETNIKOM AMBASADE TURSKE U BIH



Direktor Agencije za unapređenje stranih investicija u BiH (FIPA) Gordan Milinić primio je 28. januara 2016. godine ekonomskog svajetnika Ambasade Turske u BiH Sedata Yildiza.

Na sastanku se govorilo o trgovinskoj razmjeni između BiH i Turske sa posebnim osvrtom na izvoz mesa u Tursku, turskim investicijama u BiH, te mogućnostima buduće suradnje.

Savjetnik Yildiz je istakao dobru suradnju koju Ambasada Turske u BiH ima sa Agencijom FIPA dugi niz godina. Također je najavio posjetu Unije izvoznika Regije Mediterana iz Turske BiH 11. i 12. februara 2016. godine na čelu sa osam predsjednika različitih asocijacija Unije.

U sklopu delegacije planiran je dolazak predsjednika slijedećih asocijacija:

- Asocijacija izvoznika namještaja, papira i šumskih proizvoda,
- Asocijacija izvoznika konfekcije,
- Asocijacija izvoznika tekstila i sirovina,
- Asocijacija izvoznika hemijskih tvari i proizvoda,
- Asocijacija izvoznika željeza i obojenih metala,
- Asocijacija izvoznika morskih i životinjskih plodova,
- Asocijacija izvoznika žitarica, mahunarki, uljarica i njihovih proizvoda,
- Asocijacija izvoznika voća i povrća

Direktor Milinić će se susresti sa navedenom delegacijom 12. februara u sjedištu Agencije.



# FIPA

FOREIGN INVESTMENT PROMOTION AGENCY  
OF BOSNIA AND HERZEGOVINA

## SASTANAK PREDSTAVNIKA UREDA FIPA-E U MOSTARU SA SUVLASNIKOM KOMPANIJE "FEMIS"- POSUŠJE



Predstavnici Ureda Agencije FIPA u Mostaru sastali su se 20. januara sa suvlasnikom kompanije FEMIS - Posušje Mijom Begićem. Na sastanku se razgovaralo o ishodu prethodnih primjedbi koje je navedena kompanija imala na bh. administraciju, te o planiranom reinvestiranju.

Jedna od primjedbi iznesena na prethodnom sastanku sa investitorom odnosila se na Uputstvo Uprave za indirektno oporezivanje BiH (UINO) o pojednostavljenom postupku carinjenja prilikom izvoza, koje je prouzrokovalo povećanje troškova kompanije. Predstavnici FIPA-e su obavijestili g. Begića da je FIPA u dokumentu Prijedlozi za poboljšanje poslovnog okruženja kojeg je usvojilo Vijeća ministara BiH u 2015. godini, upoznala nadležnu instituciju o navedenom problemu, urađena je korekcija Uputstva, čime je otklonjen problem i pozitivno rješena primjedba firme FEMIS.

G. Begić se zahvalio na pomoći FIPA-e u rješavanju problema, jer FEMIS izvozi 70% svojih proizvoda i ostvaruje godišnji prihod od blizu 10 miliona eura.

U 2016. godini, kompanija je planirala izgradnju dodatnih 1500 m<sup>2</sup> proizvodnog prostora, te kupovinu nove proizvodne linije i zapošljavanje do 10 novih radnika.



## AMBASADOR KRALJEVINE SAUDIJSKE ARABIJE POSJETIO AGENCIJU FIPA



Nj.E. ambasador Kraljevine Saudijske Arabije u BiH Hani A. Mominah posjetio je Agenciju za unapređenje stranih investicija u BiH (FIPA) 21. januara 2016. godine sa ciljem da se upozna sa radom Agencije i njenim aktivnostima, te da najavi posjetu visoke državne delegacije Kraljevine Saudijske Arabije Bosni i Hercegovini koja je planirana za 26. januara 2016. godine.

G. Milinić je obavijestio ambasadora Mominaha o aktivnostima koje Agencije provodi kao koordinator aktivnosti na polju privlačenja stranih investicija u BiH, suradnje sa stranim investitorima, promocije zemlje, te pripremi i prikupljanju projekata u suradnji sa nadležnim institucijama u BiH. Napomenuo je da nadležene institucije u BiH konstantno rade na prilagođavanju legislative standardima EU, te je informirao ambasadora o statusu stranih investitora u BiH, instrumentima garancije koje se odnose na strane ulagače, poticajima za strane investicije, kao i o namjenskoj industriji.

Ambasador Mominah je istakao Zakon o radu i Zakon o stranim ulaganjima u BiH, dugotrajnu proceduru za registraciju preduzeća, kao i nepostojanje One-stop shopova kao neke od prepreka koji ističu investitori iz Saudijske Arabije. U okviru posjete državne delegacije Kraljevine Saudijske Arabije, Agencija FIPA će 27. januara održati nekoliko prezentacija o bh. pravnom okviru za strane investitore, generalnim pokazateljima stranih ulaganja u BiH, kao i privrednim sektorima transporta, vojne industrije, turizma i energetike. Ovom prilikom bit će prezentirani projekti od strateškog značaja za razvoj BiH.



## JAPANCI ZAINTERESIRANI ZA ENERGETSKI SEKTOR BiH



Predstavnici japanske kompanije MARUBENI sa sjedištem u Češkoj i Rumuniji g. Kazuya Kodama i Tashiro Kimura posjetili su Agenciju FIPA 21. januara 2016. godine i susreli sa direktorom Agencije g. Gordanom Milinićem. Kompanija MARUBENI osnovana je 1858. godine u Tokiju. Posjeduje 10 ureda u Japanu i 117 ureda u 64 zemlje svijeta, te broji 4.289 zaposlenih.

Posluju u oblasti poljoprivrede, hemijske industrije, energetskom i metalnom sektoru, izgradnje energetskih postrojenja, transporta i mašinske industrije.

Predstavnici japanske firme su se interesirali za velike energetske projekte (termo, hidro i vjetro projekte) kojima BiH raspolaže, kao i velike projekte koji se odnose na sektor voda i okoliša. Direktor Milinić sa suradnicima je obavijestio investitore o velikim projektima kojima raspolažu javne kompanije BiH, kao i projektima privatnih kompanija, kao i o uvjetima za ulaganje i status stranih investitora u BiH. Uručeni su im raspoloživi projekti, te date detaljnije informacije o njima.

G. Milinić je istakao značaj da se investitori direktno upoznaju sa vlasnicima/nosiocima navedenih projekata, te naglasio da će FIPA pružiti svu potrebnu pomoć oko povezivanja investitora i nadležnih institucija, kao i svaki drugi vid pomoći koja je u nadležnosti Agencije.

Investitori će dobijene informacije i projekte analizirati, za sve dodatane informacije će se obratiti FIPA-i, te će informirati Agenciju o daljim koracima. Agencija će biti u stalnom kontaktu sa investitorima.



## BRAZILSKI INVESTITORI ZAINTERESIRANI ZA POLJOPRIVREDNI SEKTOR BIH



13. januara 2016. godine, direktor Agencije za unapređenje stranih investicija u BiH (FIPA) Gordan Milinić primio je ambasadora Brazila u BiH N.J.E. Manoela Gomesa Pereiru i II sekretara Ambasade Helenu Meireles G. Etoy. Ambasador Gomes Pereira je istakao da su investitori iz Brazila zainteresirani za ulaganje u bh. sektor poljoprivrede i drvni sektor, te da postoji mogućnost da delegacija investitora iz Brazila posjeti BiH.

Direktor Milinić je upoznao ambasadora sa mogućnostima za investiranje u dva navedena bh. sektora, te istakao činjenicu da je BiH povoljno tržište za izvozno-orjentirane proizvodne programe.

# POSLOVNE VIJESTI ≡



KINESKE FIRME INVESTIRAJU U IZGRADNJU  
VJETROELEKTRANE U TOMISLAVGRADU



NOVI LUKSUZNI HOTEL BIT ĆE IZGRAĐEN  
U SRCU SARAJEVA



...I JOŠ FIPA POSLOVNIH VIJESTI...





## KINESKE FIRME INVESTIRAJU U IZGRADNJU VJETROELEKTRANE U TOMISLAVGRADU

Memorandum o razumijevanju između preduzeća “Gradina” iz Tomislavgrad i kineskih firmi China Machinery Engineering Corporation (CMEC) i China-Africa Investment and Development Corporation (CAIDC) potpisan je 7. januara u Mostaru s ciljem izgradnje vjetroelektrane na području Općine Tomislavgrad, vrijedne oko 150 milijuna eura. Memorandum o razumijevanju potpisali su direktor poduzeća “Gradina” Mate Dukić kao vlasnik koncesije, te predstavnici kineskih kompanija - investitora projekta Li Xuegiang iz CMEC-a i Mu Yushi iz CAIDC-a (China-Africa investment and development Co.).

Ovim memorandumom strane se obavezuju na zajedničku suradnju kojoj je cilj izgradnja vjetroelektrane na lokalitetu Gradina u Općini Tomislavgrad, a koja bi, kako je planirano, imala 35 stubnih mjesta, snage 3,2 MW.

Po riječima direktora Dukića, još 2006. godine počelo se s mjerenjem vjetra, urađeni su vjetro i energetski atlas i mnoge druge tehničke stvari te je cilj da se s radovima na vjetroelektrani krene što prije.

On je istaknuo kako je riječ o prvoj vjetroelektrani u našoj zemlji koja ima ogroman značaj, a čija bi izgradnja trebala završiti 2017. godine.

U ime dviju kineskih kompanija obratio se Mu Yushi koji je izrazio zadovoljstvo potpisivanjem Memoranduma, kazavši kako je domaći partner napravio pravi izbor jer je za partnere odabrao te dvije kineske tvrtke koje imaju vrlo uspješne projekte u oblasti obnovljivih izvora energije izvan granica Kine, odnosno u cijelom svijetu.



## NOVI LUKSUZNI HOTEL BIT ĆE IZGRAĐEN U SRCU SARAJEVA

Turski poduzetnik Fatih Kol gradit će luksuzni hotel na mjestu bivše zgrade kompanije Feroelektro u centru Sarajeva. Vrijednost investicije iznosi oko 10 miliona eura.

Prema Kolovim riječima, sa Općinom Stari Grad riješena je dokumentacija prema kojoj je on vlasnik 35 posto, a Općina 65 posto ovog objekta.

“U martu ili u aprilu planiram početi izgradnju hotela od 56 soba. Bit će to ekskluzivan hotel, sa pet spratova i imat će garaže na četiri etaže. U Sarajevu ima puno hotela, ali nema ekskluzivnih. Osim toga, taj objekat mora biti ekskluzivan, jer se nalazi u srcu grada.

Hotel će zadržati vanjski autentični izgled s obzirom na to da se zgrada nalazi u zaštićenoj staroj jezgri Sarajeva, dok će unutrašnjost biti uređena u moderan hotelski enterijer”, kazao je Kol.

Izgradnja hotela bi trebala trajati godinu i pol dana. U hotelu će biti zaposleno 120 radnika.



## MISIJA FIPA-E

Agencija za unapređenje stranih investicija Bosne i Hercegovine je agencija koju je osnovalo Vijeće ministara Bosne i Hercegovine, a čija je osnovna zadaća :

- Privlačenje i povećanje priliva stranih investicija u Bosnu i Hercegovinu i poticanje postojećih investitora u zemlji na dalja ulaganja i širenje poslovanja
- Poboljšanje saradnje između privatnog i javnog sektora, predlaganje mjera za unapređenje okruženja za investiranje, a s time i ekonomskog razvoja
- Predstavljanje Bosne i Hercegovine kao zemlje poželjne za strane investitore



## USLUGE FIPA-E

Vijeće ministara Bosne i Hercegovine je zadužilo Agenciju za unapređenje stranih investicija da pruži podršku direktnim stranim investicijama i da olakša priliv stranih ulaganja u našoj zemlji. Agencija saraduje s institucijama vlasti i investitorima, te pomaže nadležnim vlastima da poboljšaju zakonski okvir za strana ulaganja. FIPA takođe pomaže investitorima da uspostave kontakte s javnim i privatnim sektorima BiH. Pokazatelji koji se odnose na priliv investicija, uspostava kontakata i studije privrednih sektora koje su izradili FIPA stručnjaci i nezavisni konsultanti, omogućavaju da investitori budu u potpunosti informirani o investicijskim mogućnostima koje Bosna i Hercegovina trenutno nudi. Osim toga, FIPA usko saraduje i sa ambasadama i diplomatskim predstavništvima Bosne i Hercegovine, koji takođe mogu pomoći investitorima da istraže mogućnosti ulaganja u našoj zemlji.

FIPA pruža informacije, analize i savjete potencijalnim investitorima o poslovnom i investicijskom okruženju, uključujući:

- zakonodavstvo koje se odnosi na direktna strana ulaganja
- podsticaje koji se odnose na ulaganja
- ekonomska i poslovna kretanja u zemlji

FIPA identificira i predstavlja postojeće bh. mogućnosti za strana ulaganja :

- investicijske projekte u fazi razvoja ili projekte koji su već spremni za realizaciju
- preduzeća u procesu privatizacije
- domaće firme koje traže stranog poslovnog partnera

FIPA pruža pomoć potencijalnim investitorima i onima koji su već investirali u zemlji kroz :

- saradnju s javnim i privatnim sektorom
- saradnju s vladinim i nevladinim institucijama kako bi se olakšao privredni razvoj
- saradnju s lokalnim, regionalnim i međunarodnim organizacijama kako bi se poboljšalo okruženje za ulaganja



## DA BISTE SAZNALI VIŠE O USLUGAMA FIPA-E, KOJE SU BESPLATNE, KONTAKTIRAJTE NAS DIREKTNO.

Grbavička 4  
71000 Sarajevo  
Tel: +387 22 278 080  
Fax: + 387 33 278 081  
e-mail : [fipa@fipa.gov.ba](mailto:fipa@fipa.gov.ba)  
[www.fipa.gov.ba](http://www.fipa.gov.ba)

Ured FIPA-e Mostar  
Kneza Višeslava, Office 54  
88000 Mostar  
Tel/Fax: +387 36 558 815  
E-mail: [mostar@fipa.gov.ba](mailto:mostar@fipa.gov.ba)

Ured FIPA-e Banja Luka  
Jovana Surutke 13/III  
78000 Banja Luka  
Tel/Fax: + 387 51 226 180  
E-mail: [banjaluka@fipa.gov.ba](mailto:banjaluka@fipa.gov.ba)

A map of Europe with white outlines of countries on a blue background. The country of Bosnia and Herzegovina is highlighted in the colors of its flag: yellow, blue, and white with stars.

# INVEST IN BOSNIA AND HERZEGOVINA YOUR NEW OPPORTUNITY

[WWW.FIPA.GOV.BA](http://WWW.FIPA.GOV.BA)